









新編事文類聚翰墨全書卷之八

婚禮門 文類

啟狀

請期啟

親迎狀

謝親啟
謝媒啟
謝送奩狀

正月請期啟

懇勸題葉已懷千載之恩綢繆重薪適應三星之候故申媒議
早促催裝雖因納幣之餘即致請期之問時逢端月日卜壬辰
冀秣馬以來歸副食飭之所願

回啟

兩家合好已蒙厚意之臨正月始和重辱請期之命恭承將幣
輒勉拜嘉幸獲附葭莩之親恐未勝蘋藻之職鳳凰叶吉已諧
鳴鳳之占龍瓜呈祥即聽葉龍之喜

一月請期啟

婚姻得以及時幸應三星之耀幣帛將其厚意愧無百兩之儀

併迎禮之肆陳莫親期之不爽俟乎庭俟乎著行瞻行李之榮
宜其室宜其家願述天桃之詠

回啟

昔寵魚書於焉締好今承鴈幣特此請期當塵介使之來以待
行媒之問然禮文有不容發則議論何必多為龜勉拜嘉對越
將命比彼流水諸姑已嘗問焉在夫泮冰二月可以婚矣

三月請期啟

姻好非輕幸假一言而合好蓬門多幸式看百兩之盈爾月敬
卜於庚辰日用消於丙子敢效韓侯之親迎願同懿氏之和鳴
誓稟食言永以爲好

回啟

綠葱書采方吟難嫁之詩翠幄陰濃忽拜及時之請聞命若峻
降心以從既云殺禮以多婚切勿循時而論報所謂摭梅叶吉
敢不敬恭至於漏妹承筐尚幾涵貸

四月請期啓

向嘗伸於納幣歲歷者二茲用講於御輪禮陳以六矧標梅著於七實而在戶叶於三星屆首夏之清和消良辰之丁卯卜云其吉俟於著而俟於堂亟親于歸宜其家而宜其室

回啓

昔嘗修好兩觀鳳曆之頒今復尋盟再辱魚書之賜蒙特言於報吉荷兼講於納成茲承行李之鼎來頓竄門衡之賁飾適值一番之梅信何以報之直須四月之槐陰永爲好也

五月請期啓

三周輪御之恭有嚴晉匹六歲幣將之敬爰謹常儀愧投璧之莫能幸諾金之弗棄榴花照眼菲然親迎之行桃實宜家即遂求歸之慶

回啓

時交午月既承薦奠之鼎來俟屆星期又在魚書之謙抑情兼

文稱感與愧并尚之以象瓊瓊華敢忘俟著贈我以金刀繡段
謹用拜嘉

六月請期啓

頃議姻媿荷采封之不棄今期親迎遣行李以宜先月卜辛未
之良日消乙亥之吉幣帛甫將於厚意男女貴在於及時誓不
食言屢拜諾金之約與之偕老庶叨倚玉之榮

回啓

梅溪雪霽昔嘗逢驛使之來柳宿日躔今再辱魚書之至儀特
嚴於納幣禮兼幸於御輪申好既堅拜嘉敢後再三陳意尚圖
歲月之少寬萬一從權毋以春秋而責備

七月請期啓

謝疊山

男女之生幸而得耦婚姻之道貴在及時禮有請期義當修贄
祖宗繼體重嚴親迎之辰父母有心尤重于歸之日肅將嘉幣
庸試新妝鳳窩佇聽於祥占烏鵲歡迎於巧夕手舞至切心罄

奚紳

回啓

月燭雲軒行矣赴銀河之約且歲蜀錦此其為蓬篚之光然愧
無百兩之儀寧不忝三周之礼折蟾宮之桂母當貴之相忘採
南澗之蘋惟敬共之有恪

八月請期啓

始卜佳期幸尔秋期之叶再占吉月依然夜月之圓諒由淑女
之促裝足與素娥而為侶茲相配合可想和鳴爛即覩於盈門
敬可無於納幣貧者為礼非財貨愧乏多儀之子于歸宜室家
豈勝至願

回啓

紅綫寵貺辱厚意之呈乘舟桂香浮喜佳期之漸近既有言歸
之約當嚴往送之辭琴瑟和鳴行應曩時之占鳳門闌多喜尚
期他日之乘龍

九月請期啓

古者制禮婚姻非受幣不交今也從宜男女以及時為貴況在
黃華之候輒修紅葉之綠占其吉於卜人已云允叶聽其成於
媒氏莫必能從

回啓

灑二淇露滋開黃菊之數枝拂二好風吹送彩雲之五朵因悟
親期之迹且承迎禮之隆御輪再幸於三周行李愧無於百兩
祇崇姻好莫路煩文宜其室宜其家自今始矣俾尔昌俾尔熾
勿替引之

十月請期啓

愧非韓樂幸因蹶里之相攸夙定文祥必講渭梁之親迎言既
遂矣迨其吉兮預陳鳴鶴之期屆有獻羔之候言林駒言秣馬
行詠于歸以采藻以采蘋庶無失職

回啓

好記橙黃正十月為良之景喜極梅信占三星在戶之期既叶
佳辰敢違嚴命女有行而餞于祔已教其謹頌藻之供毋命嫁
而送之門常與之賀壽栗以見

十一月請期啓納成迎人出贅

曩謂占鳳已欽季諾之承今漸登龍欲效秦負之贅況一陽來
復之際正兩家合好之時輒修馮奠之儀并致鴛裝之禮菲然
為效固慙無百兩之將行矣非堂誓益俾半子之職

回啓

早憑月斧修成月鑑之圓今泛星槎來促星橋之駕棧牘矣止
圭幣輝如自顧菲然何以當此既重疊於委貺詎敢後於拜嘉
禮重御輪適十月為良之候式嚴施衽屬一陽來復之時

十二月請期啓

天地之義既諧卜吉之從婚姻以時敢後親期之請預憑媒介
以布腹心月取季冬日消癸卯書先伸於一紙好永結於千春

回啓

穀日于差已叶蔡龜之下瓊英是尚行觀堂著之容弟虛裝囊
之空不作盈門之爛我則冰薄公其歲寒探隴首之玉梅已傳
春信聽城頭之畫角行促曉妝

回啓未允

龜卜叶從曩荷冰人之請魚牋下逮遽言星戶之期然雖貴於
及時奈偶迫於多事挑大方春之候此固良辰蘋采行潦之中
尚容後歲永為好也姑少遲之陂量有容智燭是幸

又未允

翁賜坡

牽紅絲線喜符真婿之佳下玉鏡臺未諗歸妻之吉此固欲了
婚嫁之事而俾各遂室家之宜惟女質之無營竟童心之尚在
初何有乎言容婉婉亦未習於苛穢抑搔方姆教之是親欲夫
從之少緩訊之柔日之並期以嗣歲之秋狎鷗池賜名敢誇翁
諫議之裔閔睢書誰撰當勝謝夫人之賢

親迎狀

忝眷具位姓 某

右某伏以尺素雙魚曾憑鴈信一童疋馬擬造龍門不辭行李
之勞式副標梅之望金屏繡褥行依李監之門闥青竹朱簾輒
奉楊姬之風月謹先狀申聞伏惟照察謹狀

年月 日 忝 眷 具 位 姓 某 狀

又 首末如前

伏以馳素鯉以通誠擬陳鶴莫羅花驄而親迎行造龍門不辭
行李之勞式副標梅之詠金屏繡褥行依李監之門闥瓊飲玄
霜即奉雲英之杵白

回親迎狀

忝眷某郡姓 氏兒

右氏兒伏承騶從肯貴螭房喜動明闥輝生井里儀莫遵於張
室司馬温公書儀男親迎前期一日女家使人張陳其婿之室

俗謂之鋪房惠先辱於貽緘躬俟車音面瞻儀宇謹奉狀迎兼
謝謹狀

年月日忝眷某郡姓氏恩狀

又

伏承親迎羶車寵臨媧含喜動門闌之色榮增屏褥之輝迺先
辱於魚緘庸遠迎於騎從即詣親迎預切欣榮

謝親啓謝丈人

右某啓擇半子而得凡子賴左右之先容屈高明而就葦門顧
婚姻之非偶由一丸辱開於青眼俾百年合好於齊眉幸矣自
天揚焉在已仰泰山之峻極未遂身趨寫尺素之勤拳聊憑薦
繫

又 謝丈母

右某啓懿卜妻而媿昌於今可繼姑相攸而韓樂效古空慙頃
獲拜於門墻茲遂詣於伉儷乂期中雀繻忝乘龍託鯉素以陳

情望魚軒而修故國大非吾偶也每懷攀附之羞女嫁而母命
之容報帡幪之德其如感激罔既數陳

謝媒啓

非媒不相知名實姻媿之有自生子願為有室惟伉儷之是求
緝茲二姓之歡荷彼一言之善線因針引柯以奔親謂言德容
功之足觀信頻繁行藻之可薦由天之合而人之合非人是依
繫德是依念君子不可虛拘故貫以篚匪幣帛於賢者所宜責
備必歸我郵灌龜陰

又

為賤子擇婚嘗辱翹楚之媒今得淑女為妃遂成琴瑟之好速
靖言思之有自來矣酬功報德庸陳芹獻之儀略物存誠惟冀
芥留之幸

謝媒小簡

伏荷以蹇脩語為子平謀一語有緣兩懷頓釋賦標梅之什既

辱重塵歌伐木之章敢志報稱

媒答啓

二姓交歡實由月老一言道合浪忝冰人謾歌匪斧之章得迹
因親之請忽奉瓊瑤之雅意重頒箱篋之盛儀受之汗顏欲效
兼金之遜卻之非禮姑將十襲之藏

又

二姓交歡本夤緣之前定一言契合豈智力而後能茲蒙厚禮
之鼎來且辱重言之謙謝無功於子有愧於吾卻則不恭姑受
之可也藏以為貴其何貺如之

請送 爲狀 次行 台低 一字 位寫

按女子之嫁父命之母送之門必無父母尊長往
送之禮今文有請送爲狀及送爲謝狀非古也此
宜在所省云

忝眷某郡姓 某

右其登畢間有幸遂諧合姓之緣穀且已消用畢兩家之好不
塊蝸戶之陋擬攀騎氣之臨少慰寒微實增榮幸謹奉啟起居
不宣

又

首末如前

月 日具

位 姓

某

狀

仰欽華胄昨憑伐斧之言將畢佳姻今遂及時之請輒迂大施
寵顧寒房非惟增此日之榮抑亦慰平時之願

又

王請列

映藜閣之書灯火輝烟版掃竹堂之詩境暫屈文旌兩家兒女
之會成四座主賓之情洽相攸孔武嘉禮過榮慈以存心毋咎
折梅邊之簡惟然握手佇看來花外之車

又

名閥仰攀荷篤歡然之愛剛辰巳卜將諧宴亦之姻擬屈高車
少光寒族幸無拒我特賜惠然

又

幸出自天爰仰攀華接禮成有日擬坐屈於高車不惟降旣見之心又且有相親之喜賴無峻拒庸俟肯來

又

比緣厚幸獲締佳姻畢結有期預切私心之喜寵臨是望庶為寒舍之光

請送寫女客狀

忝眷其郡姓 氏兒

右氏兒啟茲詣吉禮實藉餘輝敢行香旆之臨少賁蓬居之陋倘蒙不鄙特賜肯來謹奉啟不宣

年月 日 忝 眷 某 郡 姓 氏 兒 狀

又 王請刘 首未如前

託刘墻之自出亦念有初縷羅襦而遣行政塵枉送賜之內主撫我劣孫整冠帔以勤渠肅布荆而迎拜必敬必戒固如承母命之嚴可法可儀幸即侍女師之訓

又 刘招羅內併二類

望羅山之翠黛夙倚葭菼掃刘墻之污泥仰攀蓮步賜之內主
撫我曾孫喜聞往送之言肅備祗迎之礼併屈鮭珍之仙姥俱
臨螺浦之衡門飛霞佩而頡頏聳瞻懿範貫雲闕之寂歷拱竝
誨言

又 雖忝姻媿未揖之房之秀將諧婚礼特迂蓮步之臨式慰丹衷

少酬素願

又

僉謂夙緣昨魚攀於華胥自慙不揆今擬畢於名姻既占叶鳳
卜之祥抑亦俟急軒之寵暫移蓮步不辭一舍之遙少賁蓬居
以副滿門之望

又

素欽陶母之風獲聯佳偶愧匪韓邦之地擬屈佳賓必蒙玉步

之臨少賁冰門之陋

又

敢迂蓮步下訪蓬居少觀桃李之生春自愧兼葭之倚玉

又

敬消蝸舍上屈魚軒親承林下之風祇爾樽前之酒

送為謝禮啟

忝眷某郡姓

某

右某啓比造高明喜睦媻之有託引為上友辱眄之甚勤自非如逸少之賢何以效陳鍼之送行必以贖復蒙幣帛之將情見乎辭竟之瓊瑤之報謹奉啓申謝伏惟照察

年月

日

忝

眷

某

郡

姓

某

啓

又謝啓親家

首末如前

託契良幸喜披承之良幸論交樽俎辱延接之甚僿仰佩睦媻之情遂同文字之飲驅車已駕尚存再見之思魚素浪傳未竟

十誠之懇

又

小子無知幸遂通家之見大人有造俯垂懷少之仁榮瞻元礼之高風愧乏孔融之名對其如頌詠莫盡敷宣

又 婦女

比緣淑女歸事慶門既參往送之行因獲移承之幸言容諸肅式觀家範之嚴嘉貞勤渠疑辱宿楚之厚感悚良切永謝矣殫

回啟 男人

右某啟圭竇重門特厯枉顧山穀野蕪莫克延留田方圖謝幅之修遽辱華緘之賜謙冲至此喜愧兼之

又 婦女

右氏兒啟頃忘涼薄僭申秦晉之風致使璧凡獲歎蓬瀛之侶增光多矣何感如之命社酒以頌斟方勲草率辱辱鄙雲之塵貺益佩勤渠

又婿謝婚啓

責擅舊物白面書生猥以何人獲在東床之選謂其可妻不嫌
南阮之貧顧受室之方新欲及門而未果星馳尺素露鴛寸丹
書中屋書中車功名吾事文人真文人厚依倚心長

谷

命子弱息從子新婿青玉案紫羅襪得君重矣孔雀屏芙蓉褥
謂我何哉方近省其樗虛忽遠承於焜耀自是家人之祖與何
煩子婿之過恭雖不足當敢無心領嫁女不肯與凡子辛已契
於宿期闕人未有如此郎願或觀於快意

送親家折姐啓

有子非才幸中雀屏之選臨門往送兩期駕從之來乃不我以
肯過其缺予之素望敢以存羊之禮薄將饋願之誠江南寄折
於寒梅正無所有渭北相思於春樹細與重論

谷

比以弱息歸于名門，自昔婚姻幸遂，室家之好，平生兒女同爲。父母之心，茲承寵召之來，當致控辭之請，茲開成禮，自足慰懷。過承遺饋於饗殮，大賜不朝之几，杖長者有賜，無能還報於折枝，小人屬屢，豈用永言於懷意。

送折翅小簡

某，吾兒豚犬，將於綠水，兼度倚玉，其榮多矣。昨致一箋，之請，滿望，屈臨紫氣，如仙，竟不我顧。折枝之敬，敢以奉長者，不百於大耳。幸無斥拒，實闕中外，託在新好，謹同婦稚，列拜，起，君。

答

頃命弱息，奉箕箒於堂下，薄言往矣，未能及門，裳笥蕭然，方切負愧，殮錦有惠，抑何敢當，勉強登嘉，不暑而汗，其就敢致慶，闕列仙之問，家人而次，同山謝忱。

送滿月啓

長懷弱息，託在名門，富眼憐貧，不棄荆釵之賤，新人成舊，又看

賞英之更未能忘兒女之懷故當敘室家之問相從友睦想君
聞堂上之風嘉誦團圓願長似天邊之月

答

顧我貧家得君愛女稽諸天道月惟滿而惟明瞻是家人日相
親而相孰是或者宗桃之福宜免於人母之懷厚惠鼎來高情
泰過既肅登嘉之拜重增懷感之慙俗諺有云已不是三朝之
新婦自今以往可無煩廢遣於行人

送滿月小簡

某女子之嫁也三星在天今夕何夕見此圓月夫饒女俗也而
問安情也未能免俗以致五情笑領幸甚

答

惟蟾宮之嫦娥以下居於陋室伏蒙書貺備見愛女之情亟送
亟拜祇重吾愧如此明月感刻何窮草此申謝

庚子年八月

賀官負婚姻啓

龜鶴告吉燕爾開祥外閭贅壽雅稱冰翁之精鑒中閨擇配
式諧月老之佳盟合卺禮成迎鑾歡動某官勳高衛社治謹
齊家父子弟昆仰交輝於德業牧貲參輔正其濟於功名若
稽燦燦之求宜擇爾誰之助授婦綬於姬館爛熳娣從於韓門
禔穩芙蓉曾是芙蓉之上客華穠桃李頤添袂李之新陰某
夙荷眷私深深善頌韋臯之繼延官佇觀唐鎮之齊驅安石
之舉謝元更觀淮肥之決勝

加具人就親劄子

某敬審昇開射雀門峻登龍喜諧風偶之歡已邁筵幃之夕
比目謂尚賈王孫之貴今得相里社公之賢宜桑梓之生輝在
蘭金而尤慶合綴鳧超之列庸伸燕賀之私滴道里之阻脩
凝軒車而莫駕金屏絙褥雖莫陪賀客之班行花燭洞房願
留賜價賔之利市

賀婚詞 劉尉娶

好山

曹毓金灘姻際寶閣對蓬島梅香之天氣稱洞房花燭之風
流婚嫁隨宜肯徇塵氛之時異人財豐美遙知錦綉之春生
某忝在眷親與聞慶事燕雀如雨未能宅珠履以觀光鴻鴈
因風敢拜手墨香而行敬

又 策娶劉

梅城

鯉庭報喜鳳侶催諧此郎甚似蕭郎不負家聲之偉乃岳一
如劉岳可知婚禮之佳紛喜氣以排寒接長筵而守歲

又 劉景宣娶四月十四日

梅境

對薰風之試爽消吉日以宴新紫極天中人方慶呂公之瑞
世桃花洞裏君乃如劉郎之得仙燁然金屏綉褥之光稱此
畫戟清香之貴親庭喜色賓席歡聲其幸托萬間阻稱多賀
洞房花燭夜好看風月無邊一醉綺羅筵爭紀龍雲盛集率
然非瀆幸甚完存

又 劉娶李

前人

對復身之至日諧震長之佳期綉褰容拜李女聿來於監宅
綠蘿桃洞劉郎巧結於仙緣紛百兩於庭中拜雙親於堂上
某欣聞盛事潛真賀忱直室宜家頌想歡生於桂苑佳兒佳
婦好着喜溢於梅巖菲真大漸莞存多荷

又

劉娶歐陽兄為弟串姻

梅境

馮行報喜鳳侶催諧見說良緣巧遇陽臺之神女要知佳話
歡傳劉洞之仙郎人皆誇介弟之榮公喜了難元之責紛其
雲從稱此風流某薄真菲儀聊旌芹獻其家室春光幸占
於桃夭如鼓瑟琴夜宴好歌於棠棣

又

歐娶李

雲間

恭審令子星期伊邇雲從將臨意氣小虎榜之科富貴盛筵
拜之禮梅梢春滿桂里光生某幸獲因親可無將意盤谷之
水鮮可食極知異味之能重滌沙之溪深而肥敢以所有而

更贈餘儲面慶仰異心孚

又 葛守

董公明

藍橋佳遇花燭新惟玉樹生輝真綠鬢青春之年少金屏中
選乃朱熹皂蓋之名家人比嘗閱閱之相當我更喜功名之
有稜既聽鳳占之協宜修誠質之忱詎意眷隆特先軫及珍
羞羅列初非人不食之餘實墨淋瀝荐拜子來前之命雖云
愛我母乃過邀止帝嘗身喜足說枯腸之藜藿高山仰止愧
難躡塵跡於蓬萊蓋由齊力之既愆夫豈形骸之敢事用是
寫溪藤之素幅聊寓下忱至於挹庭草之輝光尚需他日區
區慶獻萬一笑留

又 作教習

茲審歸韓侯之蹶里引劉郎於天台室以館甥喜相當於閨
闈子而出教習知借重於門闈

又 作教習歸妻

茲審劉郎歸自於天台韓估取來於蹶里雖婚姻故就爾循
然父母在不遠遊於婿情鍾未免割金弃之愛爲子義重固
宜盡彩衣之娛百兩爛盈雙好並美言歸斯復堪誇佳婦以
佳兒其新孔嘉永保宜家而宜室

回啟

王甥谷劉舅

青山

未能教弟強爲成婚宜其家人式副大夫人之望成此宅相
諒亦外王父之心有來春意之融怡不遣冰厨之落莫拜嘉
而後感德何窮得一紙劉公書增此寒門之重昌二槐王氏
後永爲外族之光

又

青山

強膺門戶慚非似舅之甥仰奉庭闈欲醮持家之弟過辱篤
親之義特爲有客之頒非惟禮意之殷勤抑亦詞華之瞻麗
既再拜而登受且什襲以珍藏矧曰子有後弗棄其顧無忘
於嚴訓不與舅同心有如冰敬搖指於梓源感佩拳二占醉

草草

又

此山

前人

第第私情亟遂宦家之願疏二高詎特屢有客之頡華子雀
弄蓉得之間竒甚黃竹紫荆之句庭闈喜溢賓客歡騰與此
山俱傳已珍藏而佳襲曰吾弟則愛當銘感於無窮

又

劉君庭

前人

未能教弟強為成婚念貌焉之二孤有茲家累皆歸然之一
老篤我姻明夙出瑤林詎敢望王家之兄弟相輝玉鏡不過
因劉氏之舅姑有來郵重之書兼以便蕃之貺庭闈喜溢宗
黨傳誇再拜登嘉百倍銘感誦青山子虛之賦實也寓言祝
翠庭老人之星用耐雅意敷陳草草向仰拳

又

妄意就婚雖有館甥之室靜思侍養豈容去父之邦亟圖挈
累以來歸豈敢為貧而出贅執箕箒於堂上欲少奉於雙親
采蘋繫於澗中所宜共於先祀過蒙隆愛特枉厚頌此日言

還何足當於賀語何時肯會容盡吐於謝粽

又

途伏山莊僅了向平之債飛來雲錦忽辱郇公之書真成清
奪於梅花不覺光生於竹屋臥沙日暖何須詠無羊之詩甕
蟻春融喜而歌有酒之句拜嘉惟謹銘感深

又

齊山長

三山

老色上面俗事繁心子雖非孫仲謀其人吾欲了向子平之
債令其直室望彼克家星影動搖堪嘆杜老北征行之句雲
歲璀璨知香山朱陳村之情賜貺寔繁應接不暇其登其受
且愧且慚

送賀新娶啟

送賀新娶啟

吉諧占鳳喜遂乘龍綉褥芙蓉快蒙家之喜氣洞房花燭豐華
屋之神仙凡在見聞舉深欣并欲旌下意少獻微儀雲從爛
遙想歌玉草於韓奕月宮高步更將問丹桂於嫦娥未究心私

尚容面慶

答

撫琴瑟而好合願為有家協卜筮於良辰瞻言受室乃辱高情
之軫記特專上介之臨門厚貺勤渠佳辭璀璨謹登加而再拜
惟知感於平生懷哉可人今所欠者客耳惠而好我獨於此無
情乎

送賀新娶小簡

某茲審消剛之吉行遂合歡之期人生於此第一樂事洞房花
燭鳳凰于飛望君固在神仙中也某能無贊善乎薄意為慶

答

室家之緣猶之於人也以親朋之庇幸而及時平生相與兒嬉
又復資君笑語厚意殷勤其敢不拜

送賀子娶婦啓

消辰吉協醮子禮成花燭相輝佳婦佳兒之在眼兆大三詠宜

家宜室以同心其屬以蠟焚莫觀奪從聊致寸心之敬不慚一
羽之微錐曰瀆尊尚祈領意人間小科第立爲富貴之階堂上
大家翁當有優游之福

六

生兒旣長願爲室家之謀娶婦言婦俾奉宗祧之祀祖識子平
之宿負幸承月老之良緣勿拜手絨重增願甲旣親之相與
何豐之之多儀長者賜不敢辭感戴厚意嘉賓無式以衍焜耀

新昏

送智孫娶啓

龍孫報喜鳳侶懽諧昔年男女室家之樂一門三世祖孫
父子之榮某慙致賀誠併陳俗禮娶妻美如玉已知無負於詩
書掃公堂上鹿豕曾凡有光於箕箒

谷

老鬢霜侵擬擬救斷爲家之事孫枝日長尚未忘流俗之情偶燕
翼之貽謀幸鳳占之叶吉乃蒙佳惠特枉賀言惟竊庇之已多

豈過情之足辱大父老人之行既拜重墜幼婦少女之辭未知
報謝

送賀嫁女啓

喜聞閨爰蔡遂婚期中雀良緣定宜家而宜室錫鸞初從方如
水以如雲監宅生輝親庭有斐某忝在享末莫效芹忱敢持利
市之微薄致行粧之下聞之富室固多有於金襦亦若太山認
不辭於土壤

答

兩鬢之霜有日百草之兩方春女子有行薄了隨宜之嫁先生
相與過承往賀之言免以貽綫重之贈錦如此有華之賜奈何
無謂之慙竹筍妹裳倍增光於雀籠錫刀金窰愧之報於瓊瑤
送賀納婿

喜動閨房礼成甥館銀瓶索酒臨墜下馬之風流金雀開屏穩
褥乘龍之意氣且重承召命莫致贊誠不慙俗物之微聊備質

筵之末女家男室已無違孟氏之旨呈灑水清當不在晉人之

下

答

有女爲累納婚成婚嫁不離家方嘆綠窓之難嫁封而寄遠宛
如白翁之斜封上蒙厚愛之頒其竟汗顏之受情之爲言借也
其與我何愛之能勿誨乎將君是望

送賀出整啟

喜動婚車榮歸甥館金搖翠織少年濯一之風流玉潤水清當
日堂呈之名喜快甚乘就之客居然入幕之賓屈以冗荒無由
賀送薄言寸草聊供寅從之需遠想三桃定有鄰人之慶

答

爲貧出整故未免於秦議設禮多婚聊從於衛俗方念屢違
之未果漾承軫記之良厯且拜住僻兼蒙厚惠鄰里頗慚此客
自茲汗顏婚姻言就尔居聊將藉口

送加員整歸小簡

字惟蕭史鳳臺與文簫綵鸞騎虎雅致神仙風流千載卓絕今
熟事有之是可賀也某深切欣抃奉賀不具

谷

娶妻為養乃遠去父母之邦挈累來歸是亦親庇之所及何以
賀為未惶展拜先此申謝

送賀再娶啓

膠續鸞琴弦鼓此謂鳳卜團圓明月摩娑玉斧之重修富貴芳年
睨金屏之兩中以嗣以續而熾而昌其面賀未能八馳惟切新
人勝舊定知百歲之緣薄礼雖微聊寓一毫之敬

谷

自笑豈腰妾意斷弦之續有來薦使乃承賀福之頒備切高情
且承厚貺敬當領受深切感戴識者笑之謂新郎之已老人生
到此何樂事之足云

送賀為子章婚小簡

其數日不見渴心塵生令嗣以蒙童之年成允女之好百年有
兆兩小無猜兒女良緣家庭快事是當以面賀者紛冗之故敢
以及書薄禮將之欣抃之忱專容侍既

答

手中雲笈三讀如見貌是豚犬敦龐未可知騎竹因緣有同鬼
戲豈賀言之敢辱而嘉惠之是當哉雖然既下拜矣草草申謝
賀爲第娶啓

親闈承順婦鏡歸來若是瑜篋難爲兄難爲弟藹然琴瑟宜其
室宜其家撫幼有恩奉先無憾其托姻惟情贊喜又新敢略布
於手書併薄陳其情字天倫好合固詠於棠棣之詩春色平分
願保此并花之樹

答

奉先人之宿志命季子以昏期中饋得人少助親庭之養平生
知我何屢使命之來過承親愛之私敢拜勤渠之重之子歸且

室既已受於微言有弟力持家庶可逃於吾青浩然首感謝以

一三

賀娶弟婦小簡

其嘗讀棠棣之四章琴瑟室家之好人間墳墓之樂莫是若也
喜聞令弟行遂昏期敢誦此詩以奉薄禮

答

手足之義室家之心春草池塘此事如兩命季也而受其室聊
以承先志道吾責也幸遂所圖皆庇之及祇承來惠愧不可言
送賀人子聘婦小簡

某与世相忘然於親故未嘗忘也門庭喜氣得於馳想今嗣姻
盟之締百年佳好双璧良緣男女及時之樂為君欣快輕謙薄
礼聊致賀忱笑留幸甚

答

相与神交想見顏色忽得華翰軫念良勤小兒未可扣留紅纏

酒釭微福親庇議以克合過承厚賜荷感如之下拜登嘉先此
叙謝

送賀嫁妹啓

義重爲兄禮成歸妹有齊季女君然擇對之可人尚想王孫有
此盈門之喜色因緣好事手足深情某欽羨惟先賀言敢後繼
志迷事可嘉盡孝之情于歸及時安有愆期之象菲儀不腆靡
頓爲榮

荅

茲焉女弟及此婚期家人有嚴君焉無父何怙歸妹承虛筮也
古人恒言爲此興懷勉焉集事乃遠閔於清聽且重辱於佳儀
一家兄弟之情以吾長尔百世婚姻之好適我願焉

送賀嫁妹小簡

某茲審令妹榮遂婚姻百兩于歸宜其家室足下爲子之責盡
而爲兄之道至矣健羨不已薄禮將之

答

茲以女弟卜妻成姻周易有之歸妹愆期承筐無實追念先志感慨係之何以當賀語且拜厚意先此申謝

送賀聘婦啓

選中雀屏茂封鳳嶺義發雍伯久諧種玉之緣詩派庭堅早賦
纏紅之句某敢特薄禮以致賀儀玉樹臨風自是乘龍之喜標
梅有日行看莫鴈之成

答

茲爲兒曹適諧姻議一歲通好敢云六禮之成百早又春欲了
平生之債且承厚貺足仍盛心雖勉強以登嘉甚忸怩而增感
相與瓜葛惟肺腑之是依若賦標梅則齒牙之餘論

送賀女受聘啓

愛女情鍾佳期議合紅絲屏下好看富貴之風玉鏡臺前便是
團圓之月某甚爲君喜聊致五情自是蒙家何待十年之擇對

遙聞盛事行看六禮之告成

答

貧而有女率尔締姻竹笥綠裳政恐綠惣之難嫁銀鈞鉄書乃承華袞之來褻卻則不恭受之孔愧如云六禮顧何有於我哉不成七襄姑永以為好也

送賀女受聘小簡

某相與相知相別相望今而相聞重而相賀絲惣六禮之謹始鏡臺白璧於粲觀瞻門闈之喜可知也墜此塵網未能造賀薄禮不腆侑緘寄情幸希笑領

答

貧家有女年至而擇所歸二姓合好亦幸而集白阜之憂方自茲始乃承厚貺甚無謂也卻則不恭下拜登受

賀為孫聘啓

喜報孫枝新題煤葉平生種玉藍田之煖生煙一笑在庭壁孫

之香新雨重闈慶事一姓良緣敢持蹇淺之誠薄致殷勤之賀
禮成鴈幣行看奠鴈之儀賀若龍孫自有乘龍之婿

合

孫年以長姻議字諧任渠草之方春本非吾事及去闈之既雨
聊相其成雖云父母之心是亦宗祧之福乃承賀禮深用愧顏
愚公之智移山尚懷此意齊子之從如水知在何時

送賀納寵啟

樂及芳時祭諧測室舞衫歌扇主家十二之樓鈿合金釵人世
百年之福黃金白日紅粉青春輒持一笑之言為我双飛之賀
陽臺何處更尋楚岫之雲空帳當時定勝党家之雪

合

偶然買妾正此愧人惟針線之補紉姑聊復耳若珠幾之歌舞
我亦何心重塵寵賀之言大起傍觀之笑雖不為赤脚賤其與
幾何若過誦白頭吟未應至是

小簡活套

慶賀

其發辰時令恭惟某人稱呼喜氣鬱葱神物呵護台候動止多

福其隗守窩居遠藉河漚麗壳所馬瞻仰惟勤其茲者恭承

賀賀人稱鳳占協吉鴈幣禮成行將拜著以俟歸宜尔室家之

之好合其為慶恢實宿尋常

賀賀人稱令愛開拜射雀得婿如龍榮膺白璧之儀注定赤繩

之籍伏惟欣慶

賀賀人稱選中雀屏歡諧鴛偶花燭煇洞房之美粉閣稱家室

之宜恭在禮序預深欣躍

賀賀人稱令愛戒門成命宜室著稱咸誇詠雪之才喜滃加雲

之從其為欣其罔既敷宣

賀賀人稱豪誇曾望喜溢門闌特開畫雀之屏榮納乘龍之婿

其為卑悃無任歡頌

賀人壽喜諧占無榮遂乘龍豈惟冰玉之相輝抑且門闥之多喜共惟歡悵

賀人幼婚欲為早計喜遂新婚不殊同隊之魚允協和鳴之鳳雖云童幼行且雲玄伏惟歡慶

賀人登第榮登龍門新諧鳳偶喜動繡褱美容之色光生蕊宮青桂之輝伏惟慶祥

賀人更馬跨鶴得偶聯騎於還謁雲從之盈門耀花妝之滿室和鳴琴瑟喜動庭闈伏惟歡慶

賀人復職吉協龜從復新舊偶諒有次負於內助宜與子以匹休不勝欣抃之至

賀人壽筵膳拚珠斛榮置玉姬竊計皓齒細腰繁絃脆管無非真樂殊可歡羨

未遑躬賀實以事繁謹具尺箋塵瀾書記節宣彝文以略為敬 右謹具申 姪具 月 日姓 某 崙子

答

其酌序時令共惟 某人恭呼涵泳聖涯靈濟環列台候居起
多福其湯違冰峙屢徙圭陰方跋魚瞻濠承鮒翰拜手莊誦服
唯感藏其

答賀禮聘 頑子無庸妄意受室言適憑於冰上醒幸中於屏間
茲遣聘儀實藉台庇又何賀焉

答賀禮聘 小女偶議伐柯近方交幣卑陬為甚泥忍包羞正懷
走謝之私先辱過褒之語

答賀禮聘 茲為為卷粗尔成姻姑為嗣續之謀實藉庇休之力
未皇謝禮先辱褒辭

答賀禮聘 貧家涼薄息女畢姻方慙罄身而歸尚賴垂休之偶
反蒙過問益重愧容

答賀禮聘 小女尚歉宜室因坐致夫特姆訓之未閑藉旦慈之
垂庇姑俟教耳何以賀為

答賀入啓此來就親特以爲養未果詣堦墀而拜見先屢染殘墨以寵頒殊仍謙光第增震竦

答賀婚小兒尚幼姻事早成第爲豚養之謀敢謂鳳鳴之偶事皆從簡亦出偶然何足多道乃蒙賀語豈勝懷慙

答賀適下親期偶就甥館無非尊比之及乃蒙慶語褒拂過情一字一拜汗下如雨

答賀就親甥館歸侍慈闈或爲菽水之謀遂奉東脩之禮凡事從簡殊竟遽匆乃蒙慶緘特有褒語豈勝愧汗之至

答賀不自揣分再尔成親姑爲嗣續之謀皆出庇休之力未皇拱謝先辱褒綽

答賀妾意買妾姑爲厨爨之設豈暇衾稠之計見笑親舊乃辱褒綽

未克趨承姑此稟謝敬憑子墨聊復主書尊生長語茲不敢贅

右謹具申 謝 月 日姓 某 啓子

送物小簡活套

其一別

風標屢新月律此心仰

德如水朝東其效承入惠

送物賀新歲 仗德新詣琴瑟好合朋簪交慶族黨增輝不腆其

物聊為綺席勞僕之需

送物賀遣安 今夢孺封將遂大歸恭惟敬愜寒舍肅然不腆其

物聊則鸞妝之末

送物賀入賢 鳴鳳叶占乘龍有日恭惟歡慶壽知最厚輒有其

物聊為甥館一筭之需

送物賀發鳥 鳳鳴已叶鸞馭于歸共惟慶愜仰恃親愛輒有其

物聊備庖厨之末

送物賀納眷 金屏開雀佳婿乘龍冰玉交輝門闌增慶率易其

物聊助華筵之末

送物賀與鳥 鳳雛初長為偶新諧不勝欣抃輒有微禮奉且悅

猷聊為綺筵一杯之助

送物賀令儀 令孫吉叶鳳占嬉同魚隊伏惟慶抃不揆某物僭

易馳納少侑並筵萬一之需

送物賀登龍 喜諧騰鳳行遂登龍指抹戒嚴旌麾動色伏惟歡

抃某不揆某物少侑甥館拋花紅之用

送賀計更昂 畢親甥館回侍庭闈贊奉棗脩歡生寂水伏惟歡

慶輒有某物僭敢為吉筵犒雲從之需

送物賀乘娶 喜續鸞膠新諧鳳友伏惟歡抃某恃爰僭易某物

少奉吉席萬一之需

送物賀置龍 新獲玉娃龍歸金屋伏惟歡恆某恃爰輒存某物

聊為銷金帳下淺斟低唱萬一之需

輕妙可善得蒙略物領誠乃荷乃幸不宣

其人召除 稱呼 某 拜覆

答受

其政切

韓斗之瞻忽拜

鄒雲之賜三復莊誦一忱感藏其入事

答受新耶物妄意再親告出尊庇過蒙厚愛且有寵頌意厚禮優不敢辭卻祇拜皇恐

答受遺物隨緣漕女何足上勞茲錄寵頌盛禮足仞眷隆祇

領以還寒舍為有光矣

答受遺物聊然賤跡出贅妻家正恐貽笑於人乃蒙寵頌之

禮物立意豐腆端拜祇承

答受遺物家貧出贅望重尚痛無非庇及未惶走謝先辱寵

頌卻之不恭強顏祇受

答受遺物女夫此來百無一辦過家齒錄寵頌俯頌肅容登

嘉禾暑先汗

隆使人顏汗無地

受禮物 寡族何知婚姻太早 礼皆從簡事亦權宜乃蒙尊

受特有禮 物意鄭重何以當克下拜登嘉豈勝愧汗

適下親期偶就甥館索手而往撫懷可羞乃蒙記

有特有賧 賦下拜登受銘篆而已

蒙愛厚特有某物之賧厚意所臨不敢不拜銘感而已

妾意績浹 顏設席乃蒙愛厚特有盛礼之頡仰

仍眷存敬用肅入第感愧之私不暑而汗

妾意置妾 聊侍巾櫛安敢為淺斟低唱設乃蒙以

某物為賜 礼意盛隆敬用拜嘉顏汗增矣

占報勿遽 謹此以肅回使餘蓬面謝

某入學士

某拜稟

不受

其違間越宿

崇仰裝懷方思復會於舊盟且辱

鼎來之惠教其入事

不受新送物姻事之諧儉陋可哂第親朋頒賜例不敢常有

來列珍之貺敬用返璧

不受遺女物小女大歸聊復爾耳安敢為親隄擾寵頒盛禮

敬用蒲回實與拜賜一矣

不受人齎送物出教妻家實為下策有來厚賜非所宜蒙回授

使人納之司帑

不受送物擊索來歸自冗滿前未能具一杯以屈長者寵

來辱賜決不敢祗領

不受送物子婿就室凡事隨宜乃蒙親愛特有列珍之貺

受之無名敬用回納

不與自納物 小兒隨分畢親皆尊庇之及第家寒從約親戚
寵賜例不敢承敬用馳納

不受物落物 小孫癡駃無知婚姻太早事皆從簡不敢為親
戚告姻家爰下特有盛禮例皆不拜敬用返壁

不受禮節物 登門就親蓋為從簡計乃家尊爰特有禮貺足
仍意屢第親禮間凡有此禮例不敢拜敬用返壁

不受更屬物 就親甥館歸侍親庭朋舊有賜例不敢當茲辱
盛禮又不敢破例而登嘉敬用返壁幸勿再遣

不受更屬物 強顏續絃貽哂間里倉卒而歸皆從簡陋安敢
為親禮更屬之擾乃家盛禮俞重比蓋敬用返壁

不受更屬物 妄意買妾圖執爨耳或者過聽以為酌羔兒設
可發一笑乃家禮貺固荷厚意不敢拜嘉敬用回納

謹條柔翰敬謝先辱不恭之罪尚望台照
其人學士
某 拜覆

請召小簡活套

其比承

寵訪愧不款留判袂以還仰

德弥切其少事上稟效以入事

禮聘請人 炮子年及冠婚妾意授室茲為遣聘告祖略具小酌

攀浼願俟車塵

納聘請人 小女年已及笄付緣許妻翌日受聘敢亟汗臨借翠

裾金環之耀也

新娶請人 孝生粗尔串親肯藉休庇略具草酌祇屈倘蒙不外

使蓬陋有輝也

禮奉請人 隨綠遣女牽強就緒皆大庇所席也輒謀卮酒少奉

從容拜禮幸甚

姻煩請人 女天此來未及拜見翌午敬潔一觴攀岳少款誨論

倘蒙寵賞幸甚

（齊請人）效无秦贅切此鄭鄉締好云初於禮敢簡翌早略備
小酌襟惹崇重少叙既見之敘惠肯幸甚

（齊請人）癡駭小兒妄圖婚姻之早計偶諧豚養已遂大歸乃
有告祢之餒少講肅賓之禮深慙虛屈切莫惠然

（齊請人）濫叨中雀幸甚登龍寓跡膺門依光鄭里借具小酌
敢肅高軒倘辱惠然豈勝荼幸

（齊請人）就親外地挈累還家承訪未及拜謝輒具小酌拜屈
萬祈不外為幸

（齊請人）又虛主饋妄意續效深貽破箕未筵之譏不竟枯楊
新美之愧聊陳草酌少敘胥談

（齊請人）略置針線之人豈為衾裯之設乃蒙側室之慶殊負
老奴之羞不敢虛拘聊為小酌惠然是幸

不合坐邀幸母他卻剔紛具稟併乞台照 刻中其代札子申
其人學士稱呼

答赴

其適造

台階重壁降接方慰恩渥之仰忽璧

賜翰之來其茲承以事

答赴遣聘請人令似鳳占協吉鴻幣多儀夫舉賀忱先蒙寵召

足仍眷愛敢後趨承

答赴納聘請人蘭秀葳蕤莫為之儀喜得如龍之婿乃蒙親愛

特有寵呼敢不拜赴

答赴取聘請人令器新諧伉儷合盃禮成未及拜賀先辱寵招

即當趨侍以承教誨

答赴遣女請人今愛已遂結褵取錦言歸豈勝贊喜伏蒙寵召

仰見愛隆即當趨侍

答赴納聘請人明闈多喜冰玉相輝特展華筵招及寒晚敬當

晉謁以侍繁花之論

答友人贅請人略效秦人之出尚遲韓士之歸方詰觀面之初便賜論心之款敬容趨赴兼控謝誠

答赴初婚請人令器欲見曾么亟為婚娶效泥陽之早計喜韓姑之于歸特辱寵招敬容趨侍

答赴登龍請人新請鳳友峻陟龍門竊觀喜色之多乃辱華筵之召敬尾危趨之賀拱承燕犒之私

答赴贅請人又居甥館已返于門寫鳳齊飛共惟歡抃伏蒙宴召敬當陪侍座末

答赴再娶請人再續鸞膠喜諧鳳偶未果危趨之賀慶承燕犒之招尚冀膝前以圖面謝

答置寵請人側室新歸華堂稱夢想有白傳柳腰之樂特蒙武郎花月之招敢不惠然以烘燕尔

占謝不莊涵實是望餘容面稟以究欲言 即刻某代札申謝

其人召除 稱呼

不赴

某適修

賓渥之起居重塵

長者之降接繼領

誨翰益切

眷隆某伏承

不赴遣聘請人

今似吉諧佳偶喜定芳明業及拜賀承乃呂極感

爰厚偶允侍誨不前

不赴納聘請人

蘭秀茶攀華接喜愛聘儀且辱寵招適有新疾

之臆阻陪賀賓之末

不赴娶婦請人

今似吉協鳳占歡諧為侶承召極感適有河魚

之梗阻陪花燭之筵

不赴遣女請人

蘭秀喜遂大歸深為贊慶乃蒙佳召極感適為

足疾作梗侍坐不前

不赴納婿請人

納如龍之壻展畫雀之屏深切贊慶承召蓋即

遵命適允趨侍不前

不起入贅請人 壯為秦出暫作狄君方竊幸於瞻依乃先蒙於
繾綣誼當趨赴跡偶拘縻芳命不前負愧無地

不起勿婚請人 令以勿諧姻對早見曾玄喜迎雛鳳之歸足見
和鸞之叶乃蒙寵召自合祗承偶以事拘弗果前進

不起登龍請人 新雷跨鳳喜登龍方圖賀於危趨延先承於
燕犒自當趨赴屈以冗拘拜命不前負感無已

不起教習請人 縉鳳來歸雲設宴且有戒食之寵適有邑幹
家僮已行拜赴不及

不起用舉請人 膠絃再續玉斧新圓方圖賀夏之儀先辱肆筵
之寵偶以負薪之疾尚垂造膝之期

不起與妾請人 花月誕仙朝雲侍側素諗羔兒之低唱幸蒙燕
席之先開願走聽於新聲偶事拘於賤迹深慚方命莫既謝悰

敬裁子墨聊復主書非敢飾辭尚祈照察 改刻某代杏甲稟
其人召除 稱呼

新編事文類聚翰墨金書卷之九

乙集

婚禮明

文類

致語

諸雜詩

詩詞

姻家相見有吉席致法必方矣宜
至平省以三日而後廟見今亦皆文
即以拜堂之孔凡奩房衣物悉以鋪
云有拜堂致法及撒帳致法皆鄙褻
亦匪宜至平削姑存一二以戒之

吉席致語

方秋崖

見三星之在隅爰重從窈之禮當七日之來復敢忘式燕之思
瑞藹龍明光生玳席共惟親家其官庭芝儲秀符竹流芳紹
弓冶以箕裘已擅清廟六瑚之香騰風雲於霄漢行誇明堂一
柱之材肯來織翠之裾共對搖紅之燭我主席其官詩書之澤

禮樂其家蕭然策里之先生山陰溪曲仰止西堂之公子春草
池塘喜重親青歡生持綠華姻衆彥錦里群賢或利賓于國光
或懷章而家食奮南溟之翼合居是董之先移比山之文可謂
義黃之上瑤簪式盍玉屑交蜚惟梅意之衝寒尚柳容之待臘
笙歌嘈雜助滿座之歡聲簾幙低垂融一堂之瑞氣物其嘉矣
禮亦宜之酒有德酒有功願悉符於善頌夜未央夜未央不但
施於說詩

繡幕紅幃翠作屏 五雲縹渺問娉婷 人間今夕知何夕
座上文星對福星 居有山林橫紫翠 出騎鸞鶴上青冥
平生志氣當如此 更把椿松祝壽齡

拜堂致語

舊啓有新 人拜堂致語先拜東王公西王母之類
於禮最爲不經今削去文公家禮次日見舅姑三
日見廟今世俗於婦入門便拜祖祢公姑流失已

又知禮君子自當默垂釋

竊以禮重婚姻茲實人倫之大義當配耦爰思宗事之承首嚴見朝之儀次講拜堂之禮

請新入拜

本宅伏事香火一切神祇

再拜

又拜

請新入拜

高祖曾祖公婆祖公祖婆

再拜

又拜

○神明拜畢請去香案或人云一百二十拜但八拜止

請新人拜

在堂公姑內外諸親尊長

由尊及卑以次而拜拜訖歸位唱致語退

拜儀已畢禮意云周伏願管簪奉祀格祖禰以垂休算登福掃塵事舅姑而盡禮闈門雍肅琴瑟諧和夢叶熊羆即見多男之喜

吉占鳴鳳永符八世之昌禮甲

又拜堂致語

集曲名

伏以光動畫堂春負珠簾捲紅窓迫人似瑤臺月蘇慢遮成鶴
橋仙感皇恩賀新郎婦人嬌女迎仙客已知好事近不隔小
重山風流子未及交親七娘子先領下拜

宮仗以一枝化賽沁園春大搖仙佩十段錦鋪青玉案永結同心行香子請出行香喝馱子特來喝拜菩薩蠻江神子召隔祝英臺安公子麻姑仙請坐綺寮閣七娘子催來施礼阮郎歸等侍成親請入夜遊宮恐怕霜天曉

佳期綺席詩

并撒帳致語

按娶婦之家親迎入門婦下車婿揖以入行交拜合卺之礼如是而已雖曰酒食以召鄉黨休交安得塞路填門厚要錢物以爲利市者乎唐人擁車有禁今世俗攔門自當能去換相固亦古者相礼之意交拜合卺脫服當以婦女替之閨房之間男女喧雜開門揭幔坐牀撒帳開襟拔花以爲戲樂果何理耶知礼君子自當一正其失世俗有攔門撒帳等詩姑存一二以示戒也

攔門詩

仙娥縹緲下人寰

咫尺榮歸洞府天

今日門簾多喜色

花箱利市不須慳

答攔門詩

常聞君子不懷金

此意追尋義轉深

欲望諸親聊闊略

毋煩介紹久榮心

請償相詩

銀臺紅燭影交光

鼎沸笙歌宴畫堂

為報筵中佳客道

請差償相引新郎

償相受取

佳期劉阮會真仙

多謝東君償相專

自愧才疎辭弗獲

當供末取侍華筵

索男利市

星娥紡纈望仙郎

莫道迢迢玉漏長

願看紅銷并利市

快歸洞府效鴛凰

索女利市

青鸞猶信入秦樓

紅藥題詩寄楚溝

今夕佳期放會遇

不妨剩與錦纏頭

償相掉花

不假陽和運化鈞

一枝丹桂十分春

廣寒殿裏曾親折

挿向香帷左相人

星請新郎

星移斗轉已多時

為報秦樓玉女知

仰請粉郎臨綺席

祇今便送入羅幃

請壽帶花

仙娥此夕遇仙郎

銀燭高烧照艷妝

敢請百年長壽帶

插歸洞府效竊塵

好花壽帶傳將來

好花壽帶傳將來

出自佳人玉手裁

付與粉郎頭上插

海棠今夜一枝開

新郎拜席

高燒銀燭照紅妝

攀折今宵任粉郎

且向樽前聊講拜

鬱葱喜氣滿華堂

新郎入席

鬱葱佳氣滿華堂

良夜燒殘定篆香

且請仙郎臨綺席

三不飲能入蘭房

初勸新郎

神女乘風下楚臺

擬攀仙客到天台

雖然雨意雲情重

且向樽前勸一盃

再勸新郎

金帳里重驚被堆

洞房隱隱雀屏開

夜長歡愛知多少

請上筵中第二盃

三勸新郎

樓角相將數鼓催

玉人專待玉郎來

滿堂賓客勸相勸

滿泛臨行上馬

請引新郎

銅壺玉漏正遲遲

好是新郎入帳時

便請細吹五雲曲

一齊攀送到羅帷

新郎辭帶

利市盈箱花滿頭

賸知今夕最風流

大家齊唱迎仙客

引領檀郎入洞遊

請開門詩

雲鎖巫山萬里深

銅壺弄悄夜沉沉

朱門掩却渾閑事

恐負仙娥久望心

開門後詩

入到蘭房別是天

鳳幃今夜會神仙

箇中坦腹真佳婿

那更嬌娥正少年

請捲幔詩

銅壺滴盡漏花殘

未覩文簫駕綵鸞

見說洞房春色好

大家齊揭綉簾看

請揭帳詩

捲上羅幃露玉容

兩情默三意冲二

而今一見春風面

不結同心心也同

請下按詩

相去都來跬步間

綵雲元不隔巫山

請交拜詩

兩心想已皆傾倒

莫向人前強作難

相如新見卓文君

相顧頻三屬意勤

請合卺詩

行禮今宵須合講

男先屈膝女沾裙

玉女朱宵飲數分

盃邊微見有胚痕

請按花詩

仙郎故意留殘酒

為惜馨香不忍吞

英姿不與衆花同

妙奪乾坤造化功

請陳雜詩

盡道滿頭春色媚

劉郎認取一枝紅

愛看紅羅長袖衫

無因得見玉纖一

散帳致語

伏以華屋艷神仙樽俎已嚴於陳設洞房燦花燭琴瑟將遂於
和鳴綺羅座上共慶佳期珠翠叢中同觀盛禮况今日乃偕隨
之始則此時適交合之初當合卺則知同體之相須於交拜則

厚大倫之收始流蘇帳暖已勞鸞鳳下妝臺保羽衣開須信短
娥近丹桂敬陳善頌聊寓鄙辭

撒帳東

簾幙深圍燭影紅佳氣鬱葱長不散畫堂日日是春風

撒帳西

錦帶流蘇四角垂揚開便見嫦娥面輸却仙郎折帶枝

撒帳南

好合情懷樂且耽涼月好風庭戶爽雙二綉帶佩宜男

撒帳北

津津一點眉間色芙蓉帳暖度春宵月娥若遇蟾宮客

撒帳上

交頸鴛鴦成兩兩從今好夢叶維熊行見蟻珠來入掌

撒帳中

一雙月裏玉芙蓉恍若今宵遇神女紅雲簇擁下巫峯

撒帳下

見說黃金光照社今宵吉夢便相隨來歲生兒定盡價

撒帳前

沈沈非霧亦非煙香裏金虬相隱映文簫今遇綵鸞仙

撒帳後

夫婦和諧長保守從來夫唱婦相隨莫作河東獅子吼

伏願撒帳之後享此四時之樂保茲百歲之歡家人利女貞位

正夫夫婦二大有自天佑慶流子子孫孫誦雞鳴之詩整戒有

相成之道讀閨睡之句窈窕無復善之心不為折婦傾城直與

君子偕老

又撒帳致語集曲名

切以滿堂歡洽正鵲橋仙下降之辰半夜樂濃迺風流子佳期
之夕幾歲相思會今日喜相逢天仙子同下瑤臺盧美人乍歸
香閣訴衷情而雙心款密合歡帶而兩意細繆蘇幙遮中像鴛
鴦之交頸綺羅柔裏如魚水之相須繫裙腹裏而百媚生點絳
唇悵而千嬌集欸々抱柳腰輕細時時看帶人嬌羞既永同心
歡宜歌長壽樂是夜也一見安公子幾欲賀新郎要助清歡用
伸撒帳

撒畢云云

伏願撒帳已後永保千秋歲同抵萬年歡夢入熊羆箇箇定應
宜男子福齊海撒時之管取称人心幸對帳前庸仲安置

大家備具狀

嫁娶論財美勇之道今世俗未聘之先議親定帖

已先具奩券禮物大數田畝若干妾使若干綵段
金銀疋兩若下謂之細數定帖其歸也又具列鋪
券細數謂之奩具狀今附于末以爲婚姻以利相
接者之戒云

忝眷某郡姓

某

郎衣有如紫衫應係賀東牀利市都寫

首飾婦人頭面冠梳釵環珠翠之屬

女衣乃父母送女者有如金銀財物房舍內物色並

賀遺是男遊賞賀利市

堂局是猪羊雞鴨逐項寫之

來儀方向者男送發至匹段衣衫釵釧之屬

右具微儀用充小女某奩具之禮伏望

眷慈特賜

賂入謹狀

年 月

日 恭 眷 某 郡 姓

某

狀

賀 詩

古詩賀同庚友人新娶

曉來搔首披衣起，饒舌雀兒聲。舊耳未龜，何喜訊蓬居。端想庚
 兄新宴，尔維孟之冬。十月良嫩，晴瑞靄浮。天香筵張，玳瑁客珠
 獲歡，吉鼎沸喧。華堂星郎頻，歸雲戶月姊盈。降蓮步温柔，
 鄉裏競交歡。彼裏鴛鴦得深趣，一雙兩好。最風流，猥瓊倚玉相
 緜繆連理，花開春心恣。便須結子凝梢頭，螢窓更且加之意。毋
 使短檠墻角，弃會言今日小登科。大登科兮亦將至。

律詩賀林薄新娶

王臞軒

金華門外厭京塵，烏帽山前結恍巾。翁婿相看冰映玉，庭闈一
 笑頰生春。昔言尔尔嫌随俗，今喚卿卿喜有人。來歲夢蘭吐嘉
 兆，集錢玉果出娛賓。

又賀新娶

春歸有約在江梅曾跨征鞍問訊回人自廣寒宮裏落花從長
至節前開鶯鶯翠地迎仙侶鶴髮垂堂舉壽不窮是同心雙綰
就玉簫吹徹鳳凰臺

又賀人新婚并迁居

朦朧瑞氣匝庭闈華構嘉姻兩及時方喜新居迁大廈那堪言
席會佳期和鳴已得鶯凰侶肯播旌隆祖考甚願我菲然成頌
美更期好夢叶熊羆

又賀人再娶

怪他暖氣益春天知是刘郎謁洞仙母謂柏舟曾自誓且欣羨
鏡得重圓從今好合如調瑟自古知音可續絃莫訝枯楊華不
好輸君綠鬢尚鮮鮮

絕句賀人娶婦

堂前佳婦與佳兒堂上翁翁喜可知萬事掉頭都不管從今醉
到抱孫時

又贈媒者

青山

青鷄解報仙郎信紅葉能傳禁女情東家把酒西家笑只作春風過一生

又

空谷佳人獨笑歌不煩花鳥使相遇紅妝洗却蛾眉醜縱有良媒可奈何

賀詞

玉燭新

青山

梅花新發後正錦樣垂堂一時妝就洞房花燭深深處慢轉銅壺銀漏新妝未了奈滄海春心相依香篆裏幾之笙歌微寒半侵羅袖 侵晨淺捧蘭湯問堂上萱花夜來交否功名浪闊謾贏得萬里相思清瘦藍袍俊秀便勝却登科龍首春昏永簾幙重重簫声緩奏

沁園春 從叟還親

好山

心上浮香車前度影約久傳梅奈月意風情被南枝北雲霜雨
嫁年去年來幾幾溪橋夢此芳信歷尽冰霜春自回朝來報三
頭兒女並帶花開 佩環飛下妝臺喜今度佳期不用催
李三千金屏翠幄仙姿第一玉骨瓊腮雌雄紛雄蜂逐三爭
道工爲使與媒翁知壓有西樓過鴈暗爲拈狗

水調歌頭 賀人新娶 集曲名

哀長吉

紫陌風光好繡閣綺羅香相將人月圓夜早慶賀新郎先自少
年心意爲情婦人嬌態久俟願成双此夕于飛樂共享燕歸梁
索酒子迎仙客醉紅妝訴忠情願些兒好語意難忘但願千
秋歲裏結取萬年歡會恩愛應天長行直長春宅蘭玉滿庭芳

賀新郎 趙妻温氏

路入藍橋境憶當年雲英來會玄霜搥盡爭似温公風流壻一
笑歡傳玉鏡便勝似瓊漿玉飲自是振一佳公子冰肌玉骨相
輝映一對兒好厮称 夜深銀燭交紅影雀屏開鳳帷擁繡簾

衾鋪錦兩意雲情憑多少夢到巫山一枕好話向耳邊頻聽但願來春青雲路管一枝青桂嫦娥近聞早寄鳳樓信

百字謠 賀人娶姪女

太真姑女問新來誰與歡傳玉鏡莫恨無人伸好語人在藍橋仙境一笑樽前歡然相與便勝瓊漿飲懇勤客意耳邊說與君聽長記舊日君家門闌喜動繡褥芙蓉穩回首龍門人得意又報鳳樓芳信只是相傳房奩中物好事鬢二近管教入道一
双冰玉清潤

鵲橋仙 賀王姓人新婚

風流仙客文章逸少王仙客土逸少復見當年佳婿翁綠
高端不數瓊姬向林下親逢道氣屏開金雀牀繡褥多
豪華深意借用王孫事憑誰說阿戎刺覓取纏頭利市王元室

清平樂 賀人娶宗女

繁絃急管喜喜門闌滿應是佳舞曾中選新近東牀禁齋功

名有分非難休因女壻求官幸與嫦娥為伴直須仙桂新攀

杏花天

賀人三兄弟皆娶趙氏

弟兄積說河東鳳怎得似君家伯仲一雙白璧殷勤種齊向金
屏鏡中乘龍去門闌喜動管取早叶熊羆吉夢兒孫不與塵
埃共總是龍駒鳳種

朝中措

賀周姓娶祝氏

幾年弱水望蓬萊心事喜同諧佳婿欣逢公瑾新婚喜近英臺
豪家深意芙蓉褥隱金雀屏開但願門闌多喜鳳樓早寄書
來

滿庭芳

金貼鼓腰繡妝管頰吾宗自昔豪奢椒馨蘭馥煙霧霽橫斜歌
管聒天今夜香風在交羅綺光華看双美郎君俊秀玉女更宜家
繁華歌宴處金盤撒果銀燭燒花任芙蓉帳掩翡翠屏遮更
看名傳桂籍相逢瀛近穩泛仙槎歸來去双親綠鬢相對飲流霞

臨江仙

樂奏箏韶花燭夜風流玉女才郎同心結上桂枝香如鴛如鳳
友求效兩双
莫把畫堂深處負笙歌引入蘭房滿斟玉斝
醉何妨南山堪作誓福祿應天長

柳梢青 賀陳姓娶田氏

孺子風流陳孟嘗門地田合下相當俏似年時送他織女來嫁
牛郎滿堂珠履飛觴看花燭迎歸洞房海誓山盟從今結了
永效鴛凰

點絳脣

仙子仙郎兩情分是歡娛會蓮花池內好箇鴛鴦對一自芳
容一自才華最真佳配榮華富貴壽考千秋歲

碧桃春

丁持正

殘年辛苦搗玄霜一朝瓊粉香雲英縹渺曳仙裳相將騎鳳凰
錦帝樂酌天漿千年顏色芳從茲歸去白雲鄉碧桃春畫長

謁金門

朱子厚

風動竹清徧一窻梅落聞道小喬乘鳳玉仙裳飄霧縠來嫁
吾門公瑾叔天上人間願足濃繚水沈燃宝燭宿長相對綠

鷓鴣天

集句

燭影搖紅玉漏遲鷓鴣橋仙子下瑤池傾盃樂處笙歌沸蘇幔遮
闌笑語隨醉落魄阮郎歸博言土女步輕移鳳凰臺上深
願一日和鳴十二時

卜筊子

姓彭

半破玉梅春小簇金蓮炬結裏風流倬底郎直入陽臺去休
詫鷓鴣橋仙說甚蘇山侶便合齊眉八百年箇是真仙子

一簾金

李石才

武陵春色濃如酒游冶才郎初試花間手絳蠟燭殘人靜後眉
峯便作傷春皺一霎風狂和雨驟柳嫩花柔渾不禁傷恹明
日餘香知在否粉羅猶有殘紅透

水調歌頭 賀真西山

人道孰爲大尚小易咸當敬初皇極中建扶世有二綱仁義陰
陽道立父母乾坤位正六子發輝光一日不容緩此意久弘昌
杯舉慶天作合月探囊十年不字以正乃字便惟良推闡家
人一卦迨齊家治國鼎鼎得姬姜舊物中書令玉潤繼汾陽

西江月

銀燭曉催春漏珠簾暮捲東風乃翁相對玉樓中不枉當年冰
夢花意似隨人好酒香難比情濃夜深欲睡海棠紅密
鷺鷥鳳

滿江紅

雪意垂垂筭天爲風流醞釀便催得蕊宮仙子隊移仙仗明月
珠連湘浦合清風佩過秦樓響帶天香郁郁碾雲軒通宵降
溫玉枕銷金帳花燭下猗猗上這英才美貌一双不枉鷺鷥鏡
明栖彩翼鷺鷥爲被開翻新浪祝君莫吝畫眉癡如張敞

賀新郎

瑞靄籠晴曉正小春時候和氣十分繚繞月姊精神還窈窕匹
似星郎年少同共入蓬萊仙岳鸞鳳鏘之周縹緲弄一雙兩好
良竒妙天上有世間少橋門名姓掀張了太孛生更那堪榜
下新婚小名表表便好相成勤夙夜莫使脫簪濟突且早拈青
春才調向去功名成就後到任時節風流好勝今日登科小

花犯

加後溪劉再娶

青山

綉簾深劉郎笑風流勝前度戟香門戶還別有祥雲警外形
舜洞房燭下應低語晨妝須帶曙時猷了棠前羅襪雙之交祝
付從前猜桃与楊枝如今便合逐梅花為主行樂處西溪上
柳汀花屿封侯爭看人謾苦誰能向黃河風雪路且對取錦屏
金幘双蛾新樣嫵

水調歌頭賀人再娶

阿誰前鳳髓續此玉琴絃依然音調清婉律呂互相宣天使彭

城姝麗來配管邦才子永作此行仙況有盈門禮百兩擁駢圍
更臨鸞看幸按兩無偏從此歡節千歲月下与花前騰長芝
蘭玉樹似作蟾宮佳客喜言振螺川仍看明年去平步上青天

齊大樂賀人入禁

良長吉

青鸞海上傳方信藍田路入仙境萬卷書傳六奇計運冰玉烟
然清潤性寒鳳錦鏡映鸞臺煙橫鷲梳一笑相迎一双兩好恰
厮稱風流人在仙憑更一絲陶如春近要想全挑宴分玉果
指日送嘗湯餅粉榆接眇管此去親盟鎮長交聘自古朱陳一
村惟兩姓

鷓鴣天 送人出弊

喜氣乘龍步步春梅花影裏送君行君行直到藍橋歎一見雲
英便愛卿 鸞鶴舞鳳凰鳴群仙簇擁綠衣人我曹有句叮嚀
託千萬時思望白雲
事文類聚翰墨全書乙集卷之九



浙江圖書館藏
全一冊 015876
一





浙江圖書館善本

甲登記號：015676

一九 年 月 日




TIFFEN Color Control Patches


© The Tiffen Company, 2007

Blue Cyan Green Yellow Red Magenta White 3/Color

Centimetres

Inches





Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color